

p. 49 : 1【如來尊重法故】《大方廣佛華嚴經》卷 38：「菩薩有十種法，具足圓滿，則得成就修真供養一切如來。何等為十？一者、以法供養；二者、修行諸行；三者、平等利樂一切眾生；四者、以慈悲心隨順攝取；五者、以如來力隨順一切；六者、不捨勤修一切善法；七者、不捨一切菩薩事業；八者、如說能行，如行能說；九者、長時遍修，心無疲厭；十者、常不捨離大菩提心。若諸菩薩具此十法，則能成就供養如來；非以財寶、飲食、衣服名真供養。何以故？如來恭敬尊重法故；猶如孝子，尊重父母，承順顏色，心無暫捨；若復有人敬其父母，其子倍復尊重是人；諸佛如來亦復如是；若諸眾生供養法者，是真成就供養如來，以諸如來尊重法故。善男子！如來從修行中來；若能修行，是則成就供養如來；諸佛出世，本為利樂諸眾生故；為以慈悲攝眾生故；隨順利樂而為力故。」(T10,no.293,pp.837c20-838a7)

p. 49 : -4【懺悔業障】《經》文「懺除業障」，《華嚴經行願品疏》卷 10：「懺者。梵音具云懺摩。此云悔過。若別說者。懺名陳露先罪。悔名改往修來。除惡業障。成淨戒善。是故文中偏名懺業。實則三障、四障無不皆懺。」(X05,pp.193c23-194a2)《佛說佛名經》卷 1：「今日所以懺悔者，正言無始已來在凡夫地，莫問貴賤，罪自無量，或因三業而生罪，或從六根而起過，或以內心自邪思惟，或藉外境起於染著，如是乃至十惡增長，八萬四千諸塵勞門。然其罪相雖復無量，大而為語不出有三。何等為三？一者、煩惱障；二者、是業障；三者、是果報障；此三種法能障聖道，及以人天勝妙好事，是故經中目為三障。所以諸佛菩薩教作方便懺悔，除滅此三障者，則六根十惡乃至八萬四千諸塵勞門皆悉清淨。」(T14,p.188b7-17)「四障」：再加「見障」。

p. 50 : 1【正舉】《華嚴經行願品疏》卷 10：「由貪瞋癡者。是惡業因。發身口意。是造業具。三業十支皆由三毒。作諸惡業者。即是業體。有二三種：一善、惡、不動。今唯取惡。二現、生、後。今通此三。三三合九種。從三煩惱起。即其義也。」(X05,p.194a22-b1)《華嚴經行願品疏鈔》卷 4：「三三者。身等三。具善等三業、現等三報也。言合九者。前後不相捨離也。從三起者。本由貪等三毒起也。」(X05,p.282a5-7)

p. 50 : -2【盡虛空界不能容受】《華嚴經行願品疏鈔》卷 4：「據理而言。若懺此業清淨者。所獲功德亦盡虛空界不能容受。以敵對相翻。一一即真功德故。故婆沙論說懺悔功德云：此一念善有形色者。大千世界不能容受。……故以一

念懺悔功德。便與無量劫所造之業。分量齊等。如一暗室中。須臾燈光之明所遍分量。便與此室千年之暗。分量齊等。」(X05,p.282a14-21)然而，「明暗」分量如何測量？有實體乎？雖然已經有國際標準的「光通量」單位(流明)，用來表示光源在單位時間內所發出可見光的總量；但是，人眼對不同頻率的光，所產生的反應會不同（對不同波長的光，有著不同的靈敏度），再者，不同角度的測量，也會有不同的流明數；相同的流明，照在不同面積的平面上，其「照度」也不一樣。上述譬喻，乃為令吾等了知：「業障」與「功德」，皆實無體相，皆是「空性」；若明「罪性本空」，即明了「真空」、「實相」，即是「真懺悔」！

p.52:1【事懺又二】據《天台四教儀集註》載，懺摩有三種：(一)作法懺，謂身禮拜、口稱唱、意思惟，三業依法披陳罪過，求哀懺悔。(二)取相懺，謂定心運想，於道場中，或見佛來摩頂，或見光現，或見花飛，或夢見諸瑞相，或聞空中聲。於此諸相，隨獲一種，罪即消滅。(三)無生懺，一切罪業皆從一念不了心性所生，若了心性本空，罪福無相，則一切法皆悉空寂，罪亦消滅。以上作法、取相二懺為事懺，無生懺為理懺。理懺為正，事懺為助；若正助合行，事理兼運，則無罪不滅，無福不生。~《佛光大辭典》

p.56:2【逆生死十心】十種逆生死心。從後翻破。

- 一明信因果→十撥無因果，作一闡提。(明了、深信因果，三世緣起業果)
- 二自愧克責→九無慚無愧，不懼凡聖。(發恥心、慚愧心)→誠心對佛懺悔
- 三怖畏惡道→八虜扈抵突，不畏惡道。(發畏心；深觀無常，一息不來處)
- 四不覆瑕玼→七覆諱過失，不欲人知。(發露改悔，根露則枝枯，源乾則流竭)
- 五斷相續心→六惡心相續，晝夜不斷。(誓願持戒，護持如浮囊；後不復造)
- 六發菩提心→五事雖不廣，惡心徧布。(覺照一切境本空寂，三心惠濟有情)
- 七修功補過→四縱恣三業，無惡不為。(運善三業之高山，填三過深廣罪海)
- 八守護正法→三內外既具，滅善心事，不喜他善。(護教、護行，如母護子)
- 九念十方佛→二內具煩惱，外遇惡緣，我心增盛。(念佛之慈、智、德、相)
- 十觀罪性空→一妄計人我，起於身見。(一切人法俱不可得；行願必是無性之緣起)

p.58:3【無性之性】《大方廣佛華嚴經疏》卷14〈10 菩薩問明品〉：「心之性故，是如來藏也。又心即性故，是自性清淨心也。又妄心之性，無性之性，空如來藏也。真心之性，實性之性，不空如來藏也。皆平等無二，故云一也。」(T35,p.602a11-14)